

流源考引

吾族世系皆祖 端公以其为始迁之祖也然不溯其源而窮其流未免貽数典忘祖之诮故復推其所自出等而上之作源流考使数千年血脉流传至今犹可指数但其中昭穆倫次老谱所载间有異同无从分辨兹惟即其疑误处略为改易余仍照旧抄载以俟来哲详加参考

谱系源流考

吾族系出黄帝轩辕氏传八世而生舜舜子商均夏禹封于虞城因以虞为姓传五十二世虞阼父为周陶正武王以元女太姬配其子妣满封国于陈（即今河南陈州）遂以陈为姓谥曰陈胡公再传十一世名完字敬仲因避厉公之乱适齐齐桓公以以工正食采于田又传十六世孙名轸相楚楚封为颍川侯（即陈州也）遂号为颍川陈氏轸传十八世孙名实东汉桓帝以为河南太邱长（即今归德府永平县）行政修德百姓深感其子元方季方与父同德时号三君孙曰群事汉献帝授尚书治书御史群子曰泰授刺史加征西节度使实五世孙曰达晋永嘉元年自颍川迁吴兴（即今浙江湖州）达传八世曰叔明封宜都王因南朝禅位于隋而叔明迁江州（即九江德化县）叔明九世孙旺唐封晋国公由德化迁德安县（即义门地）时称江州陈氏旺公七世孙曰崇曰端同居江州数世未分唐懿宗授端参政僖宗时与蒋良杰同起招讨平寇有功加封威烈将军勅镇潭州管辖三边中和四年特恩旌表门闾昭宗大顺元年旌表义门授家长崇为江州长史赠光禄大夫同光二年端公年老解组偕外甥孙彭澹常均卜居于长沙之雾阳乡

（即今清泰都）议遇大则居陈居大塘彭居大田常居大贤世号为甲乙丙族斯时 崇端江州之业犹共也崇子袞与 端子聚在东佳山建聚星亭义门书屋集书数千卷以资学者及昉之必宗族已七百余口不畜婢妾人无间言每食必群坐广堂未成童者别为一席有犬百余共一牢食一犬不至群犬亦皆不食又建书楼以延四方之士乡里率化越兢之世子孙益众宋兴国间 诏免义门沿徵物色徭役淳化初又诏本州知州唐戡每岁贷粟二千石至道三年赐御书三十三卷并真良家三大字命造御书楼赐匾曰玉音明年赐守宗希知公汝才思彦承延继十二字以为世次排名庆历四年宣兢入朝赐一御雀命持归萃和醞酒一石命合家三千七百余口一一遍知其味兢卒从弟旭主家政祥符四年特赐 诰勅授将仕郎守江州助教旭卒弟蕴主家政邻里称其德天圣二年仍赐诰勅授将仕郎拜江州助教天圣三年勅查义门丁繁三千七百余口本州知州李无颖申奏特勅赐从便置田四年勅义门陈氏同居十八世孝友之风卓然无比许建立祠堂以奉祭饗旌其义也是时义居应举而登科者四百有三人廊署之在朝者十有八员当路刺史司马参军县令者二百有九员世宦名贤难更仆数宋嘉祐七年义门请析奉勅命江州转运使谢景初郡牧吕海户曹吏刘獻邑宰穆恂湖口镇巡检范彬众官临门监护分

分析钦遵 太宗编赐字号将郑州潭州黄州汉阳安庆
隸州泸州松州光州洪州舒州等府州县庄业均作二百
九十一分拈阄居管此小宗也又将德化瑞昌星子三县
庄田作二十七分分与延牧等二十七人居之又将德安
建昌等县庄田作二十分分与知監等二十人居之此皆
大宗也不在二百九十一庄之内自此大宗小宗星分庄
业遍布诸省其受庄于洪州潭州武昌江夏黄州汉阳汉
川越州南阳通州隸州吉州泰和吉安皆唐威烈将军
端公裔也其分庄于长沙大塘金鏗梅藪斂田沧浪税场
力头花灰浮潭桑园廟田獅村继而分迁大埠田檀山青
山官山熒火桥菖蒲塘官桥西北市本府烟雾巷碧湘街
迁水渡河黄泥冲洲湖韶塘又迁赤石河平塘清潭湾湘
阴玉池山苏溪段黄柏段浸米塘西冲尖山力江长乐平
江崇林百步岭淤泥益阳分蒲州华容竹鸡坡瓦子湾皆
端公九世孙可字派兄弟分管也惟斂田庄原名福寿庄
其所以改今名者以八世祖团公先生可球等十郎所有
庄业支分已定后晚年又生一子可秀排次十一郎公谕
球等将十分之业各退一分斂拢成庄与可秀管理故曰
斂田庄后公卒于京第九夫人鲍氏塑像一尊奉归斂田
享祀号曰斂田神公后因世乱兵燹壘经移入都天神案
今名都斂案香火弗替明德惟馨后之数典者其谨识勿
忘焉可也

宗源考

陈出自胡公满妣姓遂之子也遂名遏父虞帝大舜之后周武王时为陶正武王克商大封帝王之后满以舜后受封于陈都宛邱以奉舜祀成王九年满卒諡胡公公生犀与臯羊犀继胡公立是为申公臯羊继申公立是为相公相公卒申公之子孝公突立突生慎公圉戎戎生幽公宁二十三年幽公卒子釐公孝立孝生灵灵生悦与燮三十六年釐公卒子灵立是为武公武公卒子悦立是为夷公夷公卒弟燮立是为平公二十三年平公卒子文公圉立圉娶齐女生鲍又娶蔡女生佗十年文公卒子鲍立是为桓公鲍生四子长子免次躍三林四杵白鲁隐公三十八年鲍卒弟佗之母蔡女故蔡人为佗杀太子免而立佗諡为厉公七年太子之弟与蔡人共杀厉公而立躍是为利公利公者桓公之子也利公卒弟庄公林立庄公卒弟宣公杵白立宣公有嬖姬生子款欲立乃杀太子禦寇寇素爱公子完完字敬仲厉公之子也懼祸乃奔齐四十五年宣公卒子款立是为穆公穆公卒子共公朔立共公卒子平国立是为灵公灵公卒子午成公立成公卒子哀公弱立初哀公娶郑长姬生悼太子师少姬生偃又嬖妾二长妾生留少妾生胜留有宠于哀公公囑其弟司徒招

杀太子而立留哀公卒招立留为陈君楚灭陈平王乃立
陈悼太子师之子吴为陈侯是为惠公生柳惠公卒柳立
是为怀公怀公如吴吴留之因代陈乃立怀公之子越
是为湣公六年孔子适陈二十四年楚杀湣公遂灭陈而
有之湣公之子衍避居阳武户牖时周敬王四十二年也
衍与连珣周定王十六年敬仲之后改姓田氏得政于齐
尽官其兄弟宗人连珣皆往仕焉周孝王六年衍卒连始
奉宗祀连字履辉辉生周昌周显王二十八年周昌卒周
昌生裔人裔余余生伯丕仲丕伯丕无子仲丕生从善从
吉吉往秦拜上大夫遂居秦从善生獻章德绍绍生述有
识量结纳豪杰人不敢犯始皇三年卒述生二子长伯次
平平气貌冲悴治黄帝老子之术秦二世元年陈涉起
平往仕魏王咎为大仆或谗之亡归项羽懼羽虐又亡归
汉王使参乘典护军从击楚定汉业凡六出奇计汉王剖
符分功臣封户牖侯更封曲逆侯汉惠帝六年拜左丞相
文帝二年卒諡獻侯平生原仁袭侯爵原仁生子远子逸
往卫伐胡有功武帝封骠骑将军守右北子远生澄澄生
万年与京宣帝时拜员外郎与京生考移山阳瑕丘考
生子汤少好书传博达善属文尝为西域副校尉与甘延寿
出使西域汤沉勇有大志多谋策喜奇功上疏自劾奏矫
制陈言兵状破郅支城斩单于首级及阏阉太子各王以
下千五百余级生虜百四十五人降服千人赋于城郭

诸国十五王功上汉元帝赐爵关内侯食邑各三百户加
赐黄金百斤卒于长安平帝元年追諡北胡侯封汤长子
冯为破胡侯次子勳为讨夷侯冯生咸晟晟生会可可生
珍当汉和帝二年拜司隸校尉廷光二年珍卒珍生嗣嗣
生翔字子麟少知名辟举高第拜侍御使不避權贵时人
奇之又拜徵议郎补御史中丞坐党事卒于家翔生实字
仲弓汉桓帝时为太邱长卒于灵帝丁卯年娶荀氏太嘉
五年封康乐侯大建元年加封颍川郡长諡文范先生生
六子纪最洽谿信光皆賢嗣也长子纪字元方仕汉拜大
仆徵为尚书令又拜大鸿臚卿生一子名群实公二子名
最字时方生一子名祐实公三子名洽字仲方生一子名
唐四子名諡字季方与父实公长兄元方同著高名俱盛
德时号三君生一子名忠五子名信字大方生一子名谈
迁居福建六子名光字寶方生一子名締元方之子名群
字长文仕魏官拜司空生二子泰漾泰生刺史青青生刺
史惠惠生二子佐和佐生二子准徽准字道基晋大慰諡
黄陵元公生一子伯眡建兴中渡江居曲阿新湖生子匡
匡生逵字世达晋永嘉中南渡迁丞相掾历太子洗马出
为长城令悦其山水秀丽遂卜居于长城下若里生康康
生盱眙太守英英生尚书郎公弼弼生步兵校尉鼎鼎生
散骑常侍郎安安生高高生怀安令尹永永生吏部尚书
猛猛生二子道臣道卿道臣仕齐为大常卿生文赞文赞

仕梁为侍中丞生二子谈先霸先仕梁官至东宫直阁学
士后追封始兴昭烈王生子二蒨瑛瑛字昭明继立是为
宣帝生子三十一人俱封为王宜都王瑛之三子叔明字
子服生二子志高志能高生才名武官至会稽司马才生
蕴圭蕴玉圭名炳为晋陵都参军生子廉唐开元十二年
进士为右补阙翰林院学士赠秘书少监生子三莠当京
莠公官理大评事当公官至监察御史京公进士及第德
宗朝官至给事中秘书少监集贤院学士无子以从子襄
为嗣为监官令生瓘为高安县丞生珂为临淮令赠太保
娶谢氏封勋国夫人生瓌字宜逊避难于泉州仙游乡生
子伯宣字淳化隐居庐山註司马迁史记行于世屡徵不
起就拜著作郎諡贞隐先生生檀檀生旺唐宪宗元和十
四年始占籍于德安县之敷浅原太平乡常乐里永德村
职授承议郎为义门始祖也旺生宣教郎机与棋机生通
直郎宋赠许国公感感生朝议郎兰兰生朝散大夫青天
圣四年赠青以上五世公爵青生六子长子伉工部尚书
次侍三仲四俛五伟六伸伉生五子沂经泗垣贡沂生子
绍勋直密绍公生子曰佗曰卓卓奉新罗溪佗公长子彦
成迁武宁次子思成迁兴国果石幼子承成迁固始三台
勋公子三昱梓勉昱生守成徙靖安梓生自成徙婺源幼
子勉生二子迁徙未详直公子曰才才生二子长宗成次
延辖长迁新建赤岗次迁武阳马迹沂公幼子密无

传伉公次子经经生峴峴生用用生四子长公成迁靳水
同归次希成徙安庆桐城三希先徙彭泽四公先徙石马
伉公三子泗生縞縞生驾驾生知仁徙石门伉公四子垣
生求求生綸与模綸生三子迁长大者曰彦先迁星子者
曰承悦迁寿宁者曰延悦模则已焉伉公幼子贡生淳淳
生鄱鄱生汝琉徙车吹彦琉徙三角侍公无传惟我仲公
生六子十二孙崇谐式政德曷乃六子也崇公生三子袞
蛻曜袞生三子鸿霖恭鸿生汝昇公霖生赞政大夫延矩
延度矩生倜傥偓三大公崇公次子蛻字凡化登进士第
拜朝散大夫生袞字承叔赠殿中丞生三子延赏延晤延
省赏字子中生建隆辛酉孙向榜二名进士及第官拜朝
奉大夫大常博士都官员外郎出知泰州以母夏氏夫人
年逾八旬拜疏乞近以便迎养天禧三年秋诏自泰州移
典筠州以副温清之志夏夫人卒于官舍葬义门之本环
庄天圣五年诏太傅延赏復典筠州士民感其德政闻于
朝因留焉今锦水陈家湖其故基也生子四值后僖杰今
合倜傥偓为天下陈氏七支之太祖也值徙天寶后迁秋
塘僖住锦湖杰居庐溪崇公幼子曜生珪与逵逵生才昇
徙新义仲公次子谐谐生子二宗起小七宗起生新新生
三子思琉继琉知大小七生安与儼安生知迁守迁儼生
汝迁仲公三子式式生小八八生凉恭茂凉生思泰恭生
才迁思迁仲公四子政政生让让生旭谦渥旭生公仁汝

仁才仁谦生知琉守琉宗琉渥生宗通徙望江仲公五子
德德生四子瑛珪珙碧瑛生竞竞生公迁珪生五子洽宜
度绩诱洽生希仁承仁宜生彦伟度生继仁绩生知通守
能长徙黄陂幼徙太湖诱生公大徙高安德公三子珙珙
生四子陬俊时貽陬生二子彦仁思仁俊生二子汝大才
大时生三子汝先才先思先朝议大夫貽生二子才悦思
悦德公幼子碧碧生三子祖镐节祖生公通汝通镐生承
先延先继先节生知先仲公幼子曷曷生烨烨生四子省
年策象省生守悦宗悦年生守大宗大希大策生希琉公
琉象生彦大承大青公四子俛俛生三子盖方州三子而
生八孙庆梗厚开闾间胡朝青公五子伟伟生的礼周的
生昉昉生四子衍锡谄文衍生三子才通彦通承通锡生
三子思昇彦昇继昇谄生三子承昇延昇延通文生四子
知昇守昇宗昇希昇伟次子礼礼生缪缪生奉新令荣荣
生公悦伟幼子周周生矩生三子和成柏和生汝成生继
柏生希青公细子伸伸生三子克纯克思克正纯生端端
生四子玉岳巖邢玉岳无传巖生马颈祖宗迁赤湖祖希
迁邢生都昌祖邦大克思生瓚瓚生逊与庄逊举进士庄
生守先克正之子敬敬生昂与怀昂生宗先徙湖广怀生
知悦徙广济延矩长子倬次子儁三子偓随从赏公之任
亦家于筠州赏公四子值俊僖杰值徙天寶俊居秋塘僖
住锦湖杰居庐溪皇祐初倬儁二公復迁高安之新丰

乡椒坊里其后倜公之子陵迁居大田僥公仍居高安僥公家筠州至和元年甲午迁陵和德安县配吴氏生守袭袭生梭殷梭夏殷配胡氏生希晋晋生司直司胜直配金氏生子三道清道涇道源胜分浏阳道清配吴氏生子四文敏文斌文恭忠圣文敏生四子安仁彦邦永年永寿配刘氏生子二良简良策策配胡氏生子九人鶚铸鎬镕铸鎬铭鐔鐔配黄氏生三子长兴长发长祥大元中徙居长沙尊阳长兴之子浩浩生凤大明初由长沙而移居于浏东遂为陈家之始祖焉忠圣娶徐氏生二子明新明红建炎二年遭寇李成焚毁义门遂奔徙福建宁化石壁乡九世于兹公盖闽中之始祖焉

